





門_レ係 4
 3042
 1

[Faint bleed-through text from the reverse side of the page, including characters like '物之明' and '之明']





姬周已降憲度文物之明設官
分職之備特以李唐為盛而
六典乃經衆賢討論以成於開元
令盛之日一代之制粲然可見
我
朝每有造因置廢備飾理化

大唐六典考訂 序
久未嘗不參而徵焉其書也中
罹亂故燬燼湮沒為日既久而
近更因舛傳以得之第得之不
多行之不廣可徒聞而目未覩
者注云是府內適有一本不無
刀刀魚魯予辱鹽梅之日休沐

必讀之如有遺脫必乙其傷令也
辭職處河之湄冬互羣藉手加
按正既而卒業乃出以授于梓翼
與公卿大夫稽首古制典欽以
仰贊
皇猷之萬一者其焉若夫律令

大曆六年
格式之為編或有完而存者或有
存而缺者或有全然不傳者或
日幸得四者之備以與是書同
就刊布則其補乎世必將何以
哉予嘗為之措志而有俟云

享保甲辰秋七月

從一位家燠

--	--	--	--	--	--	--	--	--	--



重刊唐六典序

昔在孝宗詔修會典臣鑿與有職競為竊伏自
 念蒐一代之制著之簡冊以為後法固非謏薄
 之所堪任思得古之作者師焉庶體裁有則而
 本末不紊三代之制莫盛於周周禮聖人作也
 未敢遽議周之後莫善於唐唐有六典竊不自
 揆謂可追而倣之而世無刻本間於中秘得其
 書伏讀玩繹手錄以歸而議中格亦會遷官以

去乃藏之篋笥攷於今殆無所用之淞江按察使潼川席君文同不知何自得之而意獨嘉焉捐俸命工刻之蘇郡未竟陞任去繼其任者為嘉魚李君立卿實成之且以序屬鏊曰六典自公而傳非公則誰序者鏊曰國家官制則象周官於唐制固若未暇而亦未嘗遺之蓋唐以中書門下尚書三省參領天下之務今六部雖分顧猶尚書省之舊而內閣則隱然中書通政給

事則門下之遺也其餘寺監府院以分衆職品爵勲階以叙羣材尚多唐舊則居其官攷其職謂無所用於今可乎且非獨唐也唐虞而下損益沿革咸具焉昔宋祁論唐制精密簡要曾鞏謂六典得建官制理之方文不煩而實備蓋開元中張九齡輩為之其書何可以不傳則未知後有作者亦將有取於斯乎而二君子惓惓翻刻意亦有在於斯乎正德乙亥夏四月之吉光

祿大夫柱國少傅太子太傅兼戶部尚書武英
殿大學士王鏊序

考訂大唐六典凡例

我
前攝政太政大臣殿下篤好是書嘗病其闕脫
訛謬似不可為完書志在讎正補修方其訓導
燮理機業甚大尚猶披閱不已正德初卜居河
瀕燕閒無事迺大加考訂竟自整理全衷三十
卷六典庶乎其復唐故然不敢輒改換舊文一
一分注係之蓋校勘之功經二十寒暑焉乃先

賢所謂精力盡於此書者

殿下以之屬者命書史^某等分卷謄寫以授副

副又命^某等紀其事畧并條列凡例如左

一六典原係唐時傳本惜矣近世軼其本見今
所有祇止明正德嘉靖二刻本焉耳今謄寫
文字一從正德本其嘉靖者謂之一本

一本文大其字畫注文差小下一字以別之比
之舊本洒然改觀

一考訂之文分注字下或句下所要彼此分明
不相淆雜

一本文注稱曰經乃所謂法以周官者矣每卷
目錄舉諸官官屬人數亦其義也今考訂自
目錄始覽者不當以佗書目錄視之

一本文注文並以諸書考訂又各有合照三師
三公已下諸官負品與舊新唐書百官負品
及通典大唐官品合照歷代官品因革與諸

史百官志及通典歷代官品合照職掌與二唐書百官職掌及太平御覽職官部六典職掌合照但職掌注文竝隨文譬校頗勞檢尋凡諸書引六典者係職官者一切關涉攷証旁搜廣求雖出近世之書在所不棄

一本文注文所引諸書之文經傳已下書別攷證其書無傳者若荀綽百官表宋百官階次齊職儀梁選簿之類並摭他書所引之文如

律令格式今獨有馮傳故唐律疏議耳其令格式亦僅止諸書所引唯

本朝令式間有與六典交涉者今並摭之一戶部條十道貢賦物產白氏詩曰城云臣按六典書任土貢有不貢無者是也除唐書地理志及通典州郡貢稅資其參照外唯通志地理畧全舉六典之文禮部條祥瑞名物通鑑注引儀制令及唐書玉海所載皆僅十二

三唯延喜治部式之文與六典大同蓋即唐
舊文今刪補釐正並一從之凡貢賦品目四
瑞名物炳如丹青庶見大全

一凡異同與一本涉兩是者舉之一本是者舉
之凡諸書涉異同者並皆舉之例自見分注
一凡誤文譌字並皆校訂分注曰據某書某當
作某某幾字當作某某幾字其諸書班班多出
不須據文者不論有無據文一見即知是某

文字之誤者雖知是某譌而作他字亦通者
因義依例斷無兩疑者並皆曰某當作某某
當作某或某字或加恐字疑字凡其出處義
相乖違者直舉出處之文使覽者自擇大抵
逐文注字不必拘一例

一凡衍文衍字例自見分注

一凡疑文及未考出者例自見分注

一凡文字闕減處倣舊本作一方筐中署闕減

幾字筐下分注填入亦各舉所据

一凡闕文脫文隨處補入其脫一字二字至十數字者並逐次分注填入其補文別起一段擬本文者下正文三字注文者下四字其脫條者各立條如正文例凡其所据諸書並舉其全文不敢以意加損一字

一凡考訂所舉諸史百官志及天文地理禮樂輿服經籍食貨刑法釋老等志分注並不出

名目概曰某志

一凡考訂之餘或可以備參校異同者隨闕覽所得載諸各卷之後嘗記冊府元龜有准六典及禮部式諸文武赴朝諸府導從之文今檢六典不見其文而舊唐志禮部郎中負外郎條載諸府導從之文据所謂准六典者似是舊唐志者六典本文冊府元龜者六典注文疑禮部郎中負外郎條中脫之今載二書

大唐六典 卷末並署曰補考
之文於禮部卷末並署曰補考

大唐六典三公尚書都省卷第一

御撰

集賢院學士兵部尚書兼中書令修國史
上柱國開國公臣李林甫等奉 敕注上

三師

太師一人

太傅一人

太保一人

三公

太尉一人

司徒一人

司空一人

尚書省

本文作尚書都省

令一人

左丞相一人

右丞相一人

左丞一人

右丞一人

左司郎中一人

右司郎中一人

左司負外郎一人

右司負外郎一人

都事六人

主事六人

令史十八人

書令史三十六人

亭長六人

掌固十四人

太師一人正一品

太傅一人正一品

太保一人正一品

尚書云成王既黜殷命滅淮夷歸鄧

周官序云還歸

在

豐作周官立太師太傅太保茲為

周官為作惟

三

公論道經邦燮理陰陽孔安國云師天子所

師法傅傅相天子保保安天子於德義

孔傳義下

有者

禮記云殷

殷當作設

四輔及三公不必備惟

其人言

禮言作語

使能也漢承秦制不置三公漢

未以大司馬大司徒大司空為三公師傅之

官

按太平御覽引六典官下有位字

在三公上後漢因之師

傳尊號曰上公置府僚魏晉江左皆然後魏

太師太傅太保尊號曰三師後周又為三公
隋氏又為三師皇朝因之漢書云太師太傅
太保皆古官金印紫綬漢官儀云俸月三百
五十斛齊職儀云品第一金章紫綬進賢三
梁冠絳朝服佩山玄玉周武王以太公為太
師詩云維師尚父時維鷹揚成王以周召為
之書云召公為保周公為師相成王為左右
漢高后元年置太傅以右丞相王陵為之後

省八年復置尋省哀帝元壽二年復置平帝
元始元年置太師太保孔光以太傅遷太師
王舜以車騎將軍為太保王莽以大司馬領
太傅又置少傅為四輔莽篡位以太傅太保
後漢書王莽傳傳當作師保當作傳國師國將為四輔焉焉恐當作
漢光武唯置太傅有府減七字
後光武紀當填以寮以高密令卓茂七字為之明帝以鄧鄧下脫禹字
為之章安已下初即位減七字

漢志當填以輒置太
傅錄尚書事八字

其人亡因罷迄于漢末

獻帝初平二年

減七字

批後漢志注當填以

置太師位在太傅上八字

董卓為之魏氏以鍾繇司馬宜

王為太傅

減六字

批晉志當填以鄭冲為太保太六字

師不見其人晉以宣

宣當作景

王名師乃依周官

名置太宰以代之武帝以安平王孚為太宰

義仲

批晉志義仲當作鄭冲

為太傅王祥為太保江左

太師並因合

合當作令

為太宰梁制十八建班多

者為貴上公班第十八秩萬石陳以為贈官

後魏三師正一品非勲德崇重不居焉北齊

因之後周依周官以太師太傅太保為三公

不置府僚隋氏依後魏為三師因後周不置

府僚初拜於尚書省上煬帝三年廢三師官

皇朝復置儀制依隋氏

三師訓導之官也其名即周之三公漢哀平間

始尊師傅之位在三公上謂之上公明雖天子

必有所師其後或廢或置大抵無所統職至後
魏特稱三師以正其名然非道德崇重則不居
其位無其人則闕之故近代多以為贈官皇朝
因之其或親王拜者但存其名耳
太尉一人正一品

月令云命太尉贊桀俊漢書百官表云太尉

春官

當作秦官

應劭曰負

負當作自

上安下曰尉齊職

儀云太尉品第一金章紫綬進賢三梁冠絳

朝服佩玉

玉當作山

玄玉郊廡冕服七旒空不

空

恐當作玄衣

纁裳服

袂通典服字衍

七章春秋金城

金城當作

合誠圖云堯坐舟中與太尉舜臨觀鳳皇授圖

運斗劬

劬當作樞

云舜以太尉為天子然緯書通

人皆疑其偽故班氏

關書當連

不取而大國亦

有其職漢初或置或省盧綰周勃灌嬰周亞

夫田始

始當作蚡

並為之武帝元狩四年置大司

馬當太尉之職至後漢建武二十七年省大

司馬又置太尉以太僕趙熹為之而與司徒
 司空為三公靈帝未劉虞為大司馬而太尉
 如故二職始兩置矣晉制恐當作三公府分
 部九卿太尉所部太常有尉當作光祿三卿
 三公並置官屬俸月三百五十斛獻帝建安
 十三年省三公官置丞相魏初又置而兼置
 大司馬晉以司馬望為太尉歷宋齊梁陳後
 魏北齊並為三公置府僚宋有大將軍則不

置太尉齊以大司馬為贈官梁氏三公加秩
 至萬石班第十八陳正第一品而與大司馬
 兩置後後下恐有大將軍不置太尉正光已
 後又並置之按後魏志舊制有大將軍不置
已後天下多事隋置太尉司徒司空為三
賢並軌乃俱置之公正一品置府僚尋省府僚置公則於尚書
 省上隋志則於間有坐字書皇朝因為武德
 初秦王兼之永徽中長孫無忌為之其後親

王拜三公者皆不視事祭禮則攝者行焉
司徒一人正一品

左傳云昔少昊氏以鳥名官祝鳩氏為司徒
尚書舜命契曰百姓不親五品不遜汝作司
徒敬敷五教在寬周則為卿官書云御事司
徒司空司馬又云司徒掌邦教敷五典擾北
人秦置丞相省司徒漢因之至哀帝元壽二
年更名大司徒與大司馬大司空為三公建

武元年前將軍鄧禹為大司徒二十七年
朱祐議契作司徒禹作司空並無大字遂下
二府去焉漢制司徒所部太僕鴻臚廷尉三
卿漢末罷三公置丞相魏罷丞相置三公以
華歆為司徒晉以何曾為司徒趙王倫篡位
以梁王彤彤當作為丞相省司徒彤遷復舊
永嘉元年王夷甫為司徒東海王鈇鈇當作為
丞相則始兩置矣成帝以王導為丞相以司

徒府為丞相府導薨復舊宋有丞相又置司徒齊以丞相為贈官梁又兩置陳氏以丞相為贈官後魏正光之後復兩置北齊廢丞相乾明中又兩置後周並廢隋廢丞相置司徒皇朝因之歷代品秩章服皆同太尉

司空一人正一品

左傳云少昊以鳴

鳴當作鴈

鳩氏為司空尚書舜

命禹汝作司空平水土惟時懋哉孔安國曰

司空主空土以居人按空穴也古者穴居周以司空為冬官掌邦事秦置御史大夫省司空漢因之至成帝綏和元年御史大夫省司建議依古置三公官改御史大夫為大司空時議者以縣道官獄有司空獄有司空通典作有獄司空故加大字以別之哀帝建平二年朱博博當建議古之帝王不必相襲五年罷大司空置御史大夫元壽元年樞漢書百官表當作二年復為大司

空故與御史大夫不兩置建武元年用讖言
以野王令王梁為大司空二十七年以朱祐
議去大字獻帝建安十二志注二當作三
年又省司空置御史大夫漢制司空所部宗
正少府司農三卿魏省御史大夫置司空景
初二年以司隸校尉崔林為司空晉以荀顛
為司空歷宋齊梁陳後魏北齊皆省御史大
夫置司空後周二職並廢隋氏諱忠以御史

中丞之職為大夫故又置司空品職並同太
尉皇朝因之

三公論道之官也蓋以佐天子理陰陽平邦國
無所不統故不以一職名其官然周漢已來代
存其任自隋文帝罷三公府僚皇朝因之其或
親王拜者亦但存其名位耳

尚書都省

尚書令一人正二品

秦置尚書有令丞屬少府漢因之武昭後置

置恐當

作其

恐當填以

重漢書云宣帝時闕

闕

字

未詳石頭傳以選為中尚書宣

帝時任中書云云姑從闕文

帝時弘恭石顯相繼為中書令元帝被疾不

親政事遂委任焉及前將軍蕭望之領尚書

事知顯專權邪辟建言以為尚書百官之本

國家樞機宜以通明公正處之武帝遊燕後

庭故用宦者非古制也宜罷中尚書官

石顯傳作

中書

中尚書謂中書及尚書也中書典尚書

奏事故連言之及光武親總吏職權歸尚書

三公但受成事而已漢官儀云尚書令主贊

奏事總典綱紀無所不統秩千石故公為之

者朝會不陞奏事增秩二千石天子所服五

時衣賜尚書令僕射其

後漢志注

三公列卿

將軍

後漢志注

大夫五營校尉行複道中遇

尚書令僕射左右丞相

後漢志注

郎皆迴車

大唐六典考訂卷之一

工

豫避衛士傳呼不得紆臺官臺官過乃得去
每朝會尚書令御史中丞司隸校尉各獨座
故京師號曰三獨座晉氏尚書令假銅印墨
綬冠進賢兩梁納言幘五時朝服佩水蒼玉
受拜則策命之以在端右故也及賈充為尚
書令以目疾表置省事吏四人自魏至晉宋
齊秩皆千石品並第三梁加秩中二千石班
第十六陳加品至第一後魏北齊及隋品皆

第二皇朝因之服鷩冕八旒七章三梁冠後
漢以尚書令僕射及六曹尚書為八座魏氏
省為五曹則僕射有二若僕射省一則尚書
有六率以為常今則以二丞相六尚書為八
座然後漢尚書稱臺魏晉已來為省皇朝因
之龍朔二年改為中臺咸亨元年復舊光宅
元年改為文昌臺長安三年又為中臺神龍
初復舊

尚書令掌總領百官儀刑端揆其屬有六尚書
法周之六卿一曰吏部二曰戶部三曰禮部四
曰兵部五曰刑部六曰工部凡庶務皆會而決
之初秦變周法天下之事皆決丞相府置尚書
於禁中有令丞掌通章奏而已漢初因之武宣
之後稍以委任及光武親總吏職天下事皆上
尚書與人主參決乃下三府尚書令為端揆之
官魏晉以來其任尤重皇朝武德中太宗初為

秦王嘗親其職自是闕不復置其國政樞密皆
委中書八座之官但受其成事而已

自太師已下皆古宰相之職今不常置故備
叙之

尚書左丞相一人右丞相一人並從二品

左右丞相本左右僕射也漢書百官表云僕
射秦官自侍中尚書博士郎皆有僕射古者
重武官有主射以督課因所領之職以為號

若尚書則曰尚書僕射漢因秦後漢建安四年以執金吾榮邵為尚書左僕射分置左右蓋自此始漢官儀僕射秩六百石公為之加至二千石自晉以後給省事吏三人魏晉宋齊秩皆六百石品並第三梁品猶第三秩中二千石班第十五陳品加至第二後魏北齊及隋品皆從第二自魏晉以來置二則為左右僕射或不兩置但曰尚書僕射宋百官階

次云尚書僕射勝右減左望在二者之間僕射職為執法置二則曰左右執法又與列曹尚書分領諸曹即令闕則左僕射為省主自東晉以來祠部尚書多不置以右僕射主之若左右僕射並闕則置尚書僕射以掌左事置祠部尚書以掌右事然則尚書僕射祠部尚書不常置矣隋置左右僕射從二品皇朝因之自漢以來章服並與令同龍朔二年改

為左右匡政咸亨元年復為僕射光宅元年
更名左右相神龍元年復為僕射開元初改
為左右丞相

左右丞相掌總領六官紀綱百揆以貳令之職

令

批唐志令
下脫關字

則專統焉

初亦宰相之職也開元中張說兼之罷知政
猶為丞相自此已後遂不知國政

左丞一人正四品上右丞一人正四品下

司馬彪續漢書云尚書丞一人秦所置漢因
之至成帝建始四年置列曹尚書更置丞四
人至光武減其二惟置左右丞各一人丞者
承也言承助令僕總理臺事也然漢列曹尚
書四人成帝加至五人彪言成帝置列曹尚
書恐誤也漢官儀云尚書令左丞總領綱紀
無所不統僕射右丞掌廩假錢穀晉傅咸云
左丞得奏彈八座魏晉已來左丞主臺內禁

令宗廟祠祀朝儀禮制選用置吏

按晉志置當作署

糾諸不法無所迴避右丞掌庫藏廬舍凡諸

器用晉志器之物刑獄兵器然則右減於左

其來尚矣魏晉宋已來左右丞銅印黃綬絳

朝服進賢一梁冠自魏至宋齊品皆第六秩

四百石梁左丞班第九右丞班第八並第四

品秩六百石陳因之後魏北齊左丞正四品

下右丞從四品上按後魏志左丞第四品上右丞第四品中太和末左

丞從第四品上右丞從第四品下隋志北齊左丞從第四品上右丞從第四品下隋

初左丞從四品上右丞丞下脫四品下煬帝

左右丞並正四品皇朝左丞正四品上右丞

正四品下服絺冕六旒三章兩梁冠龍朔二

年改為左右肅機咸亨元年復為左右丞永

昌元年為從三品神龍二年復故

左右丞掌管轄省事糾舉憲章以辨六官之儀

制而正百僚之文法正百以下六字太平御覽引六典作正其文法四字

分而視焉

若左闕則右兼知其事右闕則左亦如之若

御史有糾劾不當兼得彈奏

若左以下二十八字當從旧唐

志作本文

左司郎中一人右司郎中一人並從五品上

尚書郎漢初置四人一人主函奴單于營部

一人主羗夷吏民一人主戶口墾田一人主

財帛委輸光武分尚書為六曹郎合

晉志無曹郎之

郎合下有置字

三十四郎而史闕曹名魏有殿中吏

部駕部金部虞曹比部南北主客

魏晉志北字可削

祠部度支庫部農部水部儀曹三公倉部民

曹二千石中兵外兵別兵都兵考功定課都

官騎兵凡二十五曹郎晉氏又加直事屯田

起部車部左士右士運曹其民曹中兵外兵

分為左右主客又分為左右南北無農部定

課考功凡三十五曹置郎二十三人更相統

攝東晉置殿中祠部吏部儀曹三公比部金
 部倉部度支都官右民擬晉志右駕部庫部
 中兵外兵十五曹宋高祖加騎兵主客起部
 水部合為十九曹元嘉以後又增刪定功論
 二曹而省騎兵凡二十曹即齊因之梁加刪
 定考隋志梁置騎兵虞曹屯田合二十三曹
 陳省梁二曹不知省何曹也後魏有三十六
 郎史闕曹名北齊有吏部考功正爵當作殿

中儀曹三公駕部祠部主客虞曹屯田起部
 左中兵左外兵右中兵右外兵部兵當作都
 官二千石比比下脫水部膳部度支倉部左
 民右民隋志作左金部庫部二十八曹即隋
 開皇初有吏部主爵司封擬隋志封考功禮
 部祠部主客膳部兵部職方駕部庫部都官
 刑部比部按逸八曹隋志比部下有司門度
 水部二十四曹郎三年以刑部領都官民部

領度支煬帝改六曹具於本司至龍朔二年

改吏部為司列

闕三字

當填以主爵為司四字

封考功

為司績禮部為司禮祠部為司禋膳部為司

膳主客為司藩

藩當作蕃

戶部為司戶度支為司

度倉部為司庾金部為司珍兵部為司戎職

方為司城駕部為司輿庫部為司庫刑部為

司刑都官為司僕比部為司計工部為司平

屯田為司田虞部為司虞水部為司川惟司

勳司門依舊咸亨元年復故漢書天文志南

宮二十五星

漢志作十五星史記作一十五星二當作一

曰哀鳥

即位漢

漢上當有後字

明帝時館陶公主為子求郎

不許而賜錢千萬謂群臣曰郎官上應列宿

出宰百里非其人則民受其殃漢制尚書郎

主作文書起草更直於建禮門內臺給

宋志及通

典臺給作官供

青纈白綬

綬當作綾

被或以錦被

宋志錦被作綿

縹為之帷上有給字

帷帳毡褥畫

宋志及通典無畫字

通中枕太

官供食物湯官供餅餌五熟果食

宋志及通典食作實

五日一羹

北堂書抄及通典羹作羹

食下天子一等給尚

書郎指使

指使通典作侍史

二人

宋志及通典作一人

女侍史

二人皆選端正執香爐香囊從入臺護衣服

奏事建禮門內得神仙門內得明光

殿神仙殿

雍錄云建禮門內得神仙門內得明光殿省中云云據此神仙

仙殿三字當削

因得省中省中皆胡粉塗壁畫古賢

列女

宋志作烈士

以丹漆地

宋志作以丹朱色地

謂之丹墀

尚書郎握蘭含鷄舌香奏事與黃門侍郎對

揖黃門侍郎稱已聞乃出丞郎月賜赤管大

筆一雙隃麋墨一枚

宋志枚作九

御史中丞侍御

史行複道中遇尚書丞郎皆避車執版住揖

丞郎坐車舉手礼之車過

後漢志過下有遠字

乃去及

晉宋齊梁尚書官上朝及下禁斷行人猶其

制也漢官儀丞郎見令僕射執絜

後漢志絜作板下倣

之拜朝賀對揖丞郎見尚書執絜對揖稱曰

明時郎見左右丞對揖呼曰左右君漢制八座丞郎初拜並集都堂宋志堂作坐交禮遷又解交至宋已後惟八座解交而丞郎不解交也自晉已後八座及丞郎多不奏事梁武帝天監初詔曰自禮闈陵替歷茲永久郎置北隋志置備員無取職事糝糠文案貴尚虛閑空有趨墀之名了無握蘭之實曹郎可依昔奏事自是始奏事矣初秦置郎中令其屬官有

五官中郎將左右中郎將秩皆二千石是為三署署中有中郎侍郎郎中郎中秩比三百石侍郎秩比四百石中郎秩比六百石並無員數多至千人分隸三署主執戟宿衛宮殿門出充車騎漢因之故馮唐為郎中署長楊雄為侍郎並其任也漢官云尚書郎初從三署郎選詣尚書臺試每一郎缺則試五人先試牋奏初入臺稱郎中滿歲稱侍郎視事五

年遷大縣令亦參用孝廉為之其郎中侍郎之名皆因三署舊號也客曹郎主胡羌事劇遷二千石或刺史其次遷為縣令秩滿自占縣詔書賜錢三萬與三臺祖餞然漢言郎者多非尚書郎漢文時直不疑買金償同舍郎漢武時顏驄為郎三代不遷及諸言以賞為郎父任為郎兄任為郎皆三署郎也至後漢二署猶難分有尚書及曹名冠首者即二當
作三

尚書郎也魏二晉以後無三署郎矣自漢以來尚書諸曹並通謂之尚書郎漢代兩置其職則同魏晉宋齊惟置郎中梁陳兩置後魏北齊惟置郎中隋開皇初惟置侍郎至開皇六年每司各置員外郎煬帝三年改諸曹侍郎但曰郎每曹各置二郎尋又省一郎置丞務郎同開皇員外之職皇朝改郎為郎中又每曹置員外郎接左右司郎中前代不置煬

帝三年尚書都司始置左右司郎各一人品同諸曹郎從五品闕都省以隋志闕當填之以掌省作事之

職皇朝因改曰郎中至龍朔二年改為左右丞務咸亨元年復故其服章與諸司郎中並同玄冕五旒衣無章裳刺黻一章兩梁冠

左司員外郎一人右司員外郎一人並從六品上

天后永昌元年置時顧琮自侍御史除元懷

貞以洛州司戶遷神龍元年省二年又置真真當職務與郎中分掌其朝服與諸司員外郎並爵弁玄纓簪導青衣纁裳一梁冠

都事六人從七品上

都事本尚書都令史之職沈約宋書云令史盖前漢官也史記趙禹補中都官周周當廉為令史是也華嶠後漢書韋彪上疏曰有楚獄事繁故置尚書令史以助郎又曰郎主

文案與令史不殊續漢書尚書置令史拾掇
 人後增列曹三人合仁十一人漢官儀云能
 通蒼頡史鄭氏通志畧引漢官儀史下有籀字六典脫之篇補蘭臺
 令史滿歲補尚書令史滿歲為尚書郎出亦
 與郎同太平御覽引漢官儀郎同作尚書宰百里郎與令史
 分職受事太平御覽引漢官儀事作書令史見僕射尚書
 執版拜見丞郎執版揖齊職儀云自魏晉宋
 齊正令史書令史皆有品秩朱衣執版進賢

一梁冠楊楞伽北齊鄴都故事云尚書郎判
 事正坐都令史側坐書令史過事洛京鄴都
 令史皆平揖郎由来無拜吏部郎選試高第
 及工書者奏補皆加戎號案歷代令史皆有
 品秩漢尚書臺令史秩二百石魏氏令史皆
 八品晉百官公卿表云尚書都令史八人秩
 二百石與左右丞總知都臺事宋齊八人梁
 陳五人品並第八梁武天監初制曰尚書五

都職參政要非但總領眾局亦乃方軌二丞
 項雖求材未臻妙簡何革用士流每盡時度
 庶同特領秉此群目於是以考隋志以下有都令史視奉朝
請七太學博士劉納通典納司空法曹參軍
 劉顯太學博士孔虔孫司空法曹參軍蕭軌
 宣毅墨曹參軍王顯並以才地兼美首膺茲
 選矣隋開皇初改都令史為都事置八人正
 八品上皇朝置六人自晉宋齊後魏北齊隋

都令史置八者當八座之數梁陳置五者南
 朝多不置祠部尚書當五曹之數皇朝置六
 者當六曹之數

左右司郎中員外郎各掌付十有二司之事以
 舉正替違省署符目都事監而受焉凡都省掌
 舉諸司之綱紀與其百僚之程式以正邦理以
 宣邦教凡上之所以逮下其制有六曰制敕冊
 令教符

天子曰制曰敕曰冊皇太子曰令親王公主
曰教尚書省下於州州下於縣縣下於鄉皆
曰符

凡下之所以達上其制亦有六曰表狀牋啓辭

牒
批注文及本朝
令當作牒辭

表上上當於天子其近臣亦為狀牒牒當啓

於皇太子然於其長亦為之非公文所施九

品已上公文皆曰牒庶人曰辭按旧唐志施
下有行字人

下有
言字

諸司自相質問其義有三曰關刺移

關謂關通其事刺謂刺舉之移謂移其事於

他司移則通判之官皆連署

凡内外百司所受之事皆印其發日為之程限

一日受二日報

其事速及送囚徒隨至即付

小事五日

謂不須檢覆者

中事十日

謂須檢覆前案及有所勘問者

大事二十日

謂計筭大簿帳及須諮詢者

獄案三十日

謂徒已上辨定須斷結者

其急務者不與焉小事判勾經三人已下者給

一日四人已上給二日中事每經一人給二日

大事各加一日內外諸司咸率此

若有事速及限內可了者不在此例其文書

受付日及訊囚徒並不在程限

凡尚書省施行制敕案成則給舊唐志給下有程字以鈔

之

通計符移關牒二百紙已下限二日過此以

往每二百紙已上加二日所加多者不得過

五日

若軍務急速者不出其日若諸州計奏達于京
 師量事之大小與多少以為之節二十條以上
 二日倍之三日又倍之四日又倍之五日雖多
 不是過焉凡制敕施行舊唐志無制
 敕施行四字京師諸司
 有符移關牒下諸州者必由於都省以遣之
 若在京羗使者令使人於都省受道次符牒
 然後發遣若諸方使人欲還亦令所由司先

報尚書省所有符牒並令受送

凡文案既成勾司行朱訖皆書其上端記年月
 日納諸庫凡施行公文應印者監印之官考其
 事目無或差繆然後印之必書於歷每月終納
 諸庫

其印每至夜在京諸司付直官長在外者送
 當處長官掌

凡尚書省官每日一人宿直都司執直簿一

唐

志無一字轉以為次

凡諸司長官應通判者及上佐縣令皆不直也

凡內外百僚日出而視事既午而退有事則直官省之其務繁不在此例凡天下制敕計奏之數省符宣告之節率以歲終焉捫舊唐志為當作斷京師諸司皆以四月一日納于都省其天下諸州則本司推校以授勾官勾官審之連署封印附

計帳使納于都省常以六月一日都事集諸司令使捫舊唐志使當作史對覆若有隱漏不同皆附于考課焉

主事六人從九品上

漢官云光祿勳有南北廬通典廬作庭云云當作主事

三署主事於諸郎之中察茂才高第者為之秩四百石次補尚書郎出宰百里謝承後漢書胡伯蕃范滂公沙穆並以俊才為考廉除

郎中光祿勳主事後魏尚書吏部儀曹三公
虞曹都官二千石比部各量事置掌故主事
員門下置主事令史並從八品上隋初諸臺
省並置主事令史煬帝二批隋志二年並去
令史之名其主事批隋志主事隨曹閑劇而
置每十令史置一主事不滿十者亦置一人
雜用才術之士顏愨楚文學名家為內史主
事其後尋罷之皇朝並用流外入流者補之

令史十八人書令史三十六人

自魏晉以來令史之任用人常輕梁陳後魏

北齊雖預品秩益闕七字未詳降始

自平隋開皇初著令有流外動動當品二品

三品四品五品六品七品八品九品闕二字隋批

志當填以皇朝因之諸臺闕六字當疑

填以有令史尚書都省令史書令史並分抄

行署文書闕七字未詳十錢給三口

糧國初限八考已上入流若

闕九字

未詳上並入流為職事初隋氏革選令

史為

闕八字

未詳亦闕未詳武德初

天下始定京師穀價貴

闕十字

佐史及朝

集與充選不獲已相資

闕八字

批通典當填以而為其叙次六七等有至本

之遂促年限優八字司主事及批通典及下逸上縣尉者自每府

史三考令史兩考

亭長六人

漢因秦制每十里一亭亭有長高祖為泗上亭長隋文帝始採古亭長之名以為流外之號皇朝因之主守省門通傳禁約

掌固十四人

史記云郡國有好文學敬長上肅政教順鄉里者詣太常受業如博士弟子課能通一藝

已上補文學掌固又東方朔云曾不得掌故
安敢望侍郎乎掌故主故事也史漢本亦為
此固字隋令稱掌事皇朝稱掌固主守當倉
庫及廳事鋪設職與古殊與亭長皆為番上
下通謂之番官轉入府史從府史轉入令史
選轉皆試判

大唐六典三師三公尚書都省卷第一

補考

齊職儀云品第一金章紫綬進賢冠絳朝服佩

山玄玉宋志絳朝服作給五時朝服按晉志漢

方色百官不執事者服常服絳衣以從魏秘書

監秦靜曰漢氏承秦改六冕之制但玄冠絳衣

而已魏已來名為五時朝服又有四時朝服又

有朝服自皇太子已下隨官受給百官雖服五

時朝服據令止給四時朝服關秋服三耳一易

宋志朝服一具冠幘各一絳緋袍阜緣中單衣

領袖各一領革帶袷各一烏緋各一量簪導

餉自副四時朝服者加絳緋青緋阜緋袍
單衣各一領五時朝服者
加給白絹袍單衣一領者
○郊廟冕服七旒玄

大唐六典考訂 卷之二 三十二

衣纁裳七章

按晉志平冕王公卿助祭於郊廟

龍以下九章卿衣華蟲以珠七章南齊志舊相

承三公以下冕七旒青玉珠永明六年太常丞

何誣之議按周禮命數改三公旒卿六旒尚

書令王儉議依漢三公服山龍九章卿華蟲七

齊制之通旒典○祭禮唐志禮

無接字○置員外郎接典

疑按字

12

12

13

13

